

INUIT ATAQATIGIIT

INATSISARTUNI



Tasiilaq, 16. februar 2012

Inatsisartut Suleriaasianni § 37 naapertorlugu matumuuna imaattunik Naalakkersuisunut apeqquteqarpunga:

Tasiilami eqqaanilu imigassat kimittuut nioqqutigeqqusaannginnerat Naalakkersuisut qanoq iliuseqarfiginiaapat. Aaqqissuussineq allanngortinnialersaapaat?

(Inatsisartunut ilaasortaq Harald Bianco, Inuit Ataqatigiit)

Tungavilersuut:

Tasiilami eqqaanilu imigassat kimittuut nioqqutaannginnerisa oqallisaanerat ingerlaqqippoq. Inatsisartunut ilaasortaq Justus Hansen demokratineersoq aviisi Sermitsiaq nr. 5-imi allaaserisaqqippoq, ilaatigut kitaani illoqqarfinnut sanilliulluta immikkoortitsisumik nipilimmik oqariartoqqimmat, aammalu imigassaq pissutaalluni politiit suliaqartarnerat assersuutigalugu Nuummi Tasiilamut sanilliullugu ulapaartarnerujussuunerat tikkuarlugu.

Kitaaniittarluni maluginngitsuugassaangilaq, imigassaq pissutaalluni ajornartorsiutit Tasiilamut sanilliukkaanni ilaatigut ingasannerujussuusartut. Tamanna Tunumi Kitaanilu pissutsinik takunnittut nalunngilaat.

Tamakku isigitillugit eqqarsaqqajaanartarpoq, sooruna Tunumi immikkut isigineqartugut, sooruna immikkut pineqartugut. Imigassanik kimittuunik matusinissamut nalilersuutaasinnaasut assigiimmik naliliissutigisassagutsigit, taava allaqqunneqarsinnaanngitsumik periarfissat marluinnaapput: tassalu Kitaani aamma matusisoqartariaqarpoq, taamaassanngippat Tunumi imigassat kimittuut ammaateqqinneqartariaqarput. Taava tassani immikkoortitsineq piunnaassaaq.